

四庫全書

集部

欽定四庫全書

集部

文苑英華卷九百五十七至九

詳校官庶吉士臣龍廷槐

助教臣常循履勘

總校官進士臣朱鈐

校對官助教臣蔡鎮

謄錄監生臣丁緯

欽定四庫全書

文苑英華卷九百五十七

宋

李昉等

編

職官十九

元兵曹盛墓誌一首

蕭功曹墓誌一首

馬別駕墓誌一首

楊司倉墓誌一首

呂判官恭墓誌一首

盧司錄士瓊墓誌一首

任司馬佶墓誌一首

李長史則墓墓誌一首

河南兵曹元公墓誌銘

穆員

公諱盛字某河南洛陽人魏昭成帝之十二代孫皇金
紫光祿大夫司膳卿汝陽公善應之曾孫集州司馬崇
敏之孫處士履清之季子生五十有五年官歷憲府法
寺宰邑掾京者十政以貞元十一年六月十五日卒于
東都綏福里第十月四日孀妻孤女奉喪歸葬于偃師
首陽山之北原嗚呼哀哉公忠竭於事上孝終於報親
許與諾著于氣類其蒞官也剛決堅利致用如今易人
之所難敢人之所畏累佐戎府獨步神州肅肅羽儀方

漸于陸何年官階半而不知者命迫焉初處士府君之
逝也公二兄孟幼仲嬰公方孕太夫人則我伯姑來歸
于我惟是內外同氣兄無常弟弟無常兄入學過庭雁
行三紀既而從官方始異門孟仲早落公終養焉嗚呼
我伯姑深仁如天高行鄰古昔有三子今無一孫悠悠
彼蒼與善焉在仁人之祀奄焉忽諸夫人河東柳氏從
公致養奉公歸祔存沒成公之志賢乎哉女子藐爾未
笄莞然主奠聞者悲之公方大漸以埏埴之銘見託何

以為報哀而不文銘曰

歸全舊丘列侍先人有知當樂無知返真

成都功曹蕭公墓誌銘

前人

公諱某字某其先事具梁史蓋宣武皇帝七代孫也曾

祖憬

唐宰相世孫
表名文憬

皇朝朝散大夫湖州司馬祖元祖

表作

禮相

表作
湘

州刺史贈太子詹事父詮大理評事昭穆相

遺者曰清白孝友人稱之君幼以明經登第洎天下多
事投家遠迹而所至聞焉或吏或賓報之如一歷任曹

州筦勾杭州富陽二邑轉都水監主簿左金吾衛兵曹
調大理評事地官司國計使臣督王賦迭咨公以分其
重公受命事集而輿頌隨之劔南節度使表公成都功
曹掾兼佐蜀州戎事錫以章紱不幸遇疾退閒于荆楚
之間貞元八年歸故國于洛汭秋九月十四日終于康
裕里第春秋五十八其冬十月二日遷祔于某縣某鄉
從先公居公之志也公之生也和其發也清其行也晦
其用也明其文也餘力其學也存誠其從事也口不言

祿其為善也心不近名是故歷仕無報勞之寵終身無
充量之榮汨沒下位摧頽壯齡傳曰天下有道貧且賤
焉恥也若乃道富而家貧德貴而身賤才合二字而奇

疑

而奇

跡高位下恥在夫天焉如蕭公者處退而退求仁得仁
焉恥焉既非所恥則又何怨夫人某郡暢氏故尚書左
丞某之子昔佐公義今成公家生男四人三子早夭一
子曰範方齧而嗣毀如成人姪纂遵世母幼孤之請見
託為誌其詞曰

吁嗟古人不貴貴仕義猶重生德豈輕位猗歟蕭公其道不匱何以表墓唐之君子

銀青光祿大夫行平州別駕馬公墓誌銘

歐陽詹

嗚呼死也者君子曰終有唐興元二年六月二十四日銀青光祿大夫行平州別駕馬公終于京師國喪英才

家亡令子國之

集作家國

不幸痛貫所

集作可

知公諱某字某

其先京兆扶風人始實趙氏累葉繼將多總戎塞下有

以因居今為燕之名流曾祖某某官祖某某官父某某
官公則某官第某子也積奕世忠貞之慶得陰方嚴勁之

氣天骨山峻神姿玉耀

集作神
葱玉輝

有孝有悌閨門以和有

信有義州間以附矛戟韞器風雲馳聲燕趙多奇士公

其人也用正直奉籌畧擁旄仗節者尊以果斷行政令

擐甲執兵者伏前後佐全師大幕不有暫寧方將張翼

翔雲揚鬢游溟大命不永大疾

集作
病

遘及享年三十三

秦氏醫遲顏生禍促哀哉夫人某處某氏子二人長曰

縱次日緒永念

集作思

之感至性過人以貞元十二年歲

在某月某日大通卜宅于京兆某鄉某里某原禮也天

長地久埋

集作煙

川塹阜于何不有乃為銘德于誌以

三

集作而誌墓云

士以常第

集作士此常才

如瑜在珉燕趙多奇士

集無士字

公則其

人業繼忠貞識資籌畧流器瑚璉羽族鷗鷄題輿大郡

佐侑雄師雖有極德

集作雖猶在德

亦匪孤時南抑

集作仰

搏鵬

更期遐揚

集作颺

東觀逝水忽茲永往卜遠期

集作斯

及窆

于此岡惟安惟永地久天長

集作天
長地久

朝議郎行鄂州司倉叅軍楊公墓誌銘

前人

公諱某字某其先闕右弘農人永嘉過江公自始遷之
祖若干代處於閩越曾祖某皇唐循州司馬祖某漳州
長史父某泉州南安縣丞公則南安第若干子長七尺
骨目瑰異溫良節行所至自昭風神識度羣居不掩六
籍外偏好穰苴管子之術永泰中以耕戰之法致

集作
郊

梁宋軍畫用有成大厯元年節度使右僕射田公薦授

右

集作左

武衛率府倉曹叅軍事在位以貞慎聞公以不

仕則墜業躁求則背道或出或處聖人為中依吏部節

文敬遵常調大厯八年集授吉州永新縣丞興元元年

集授廬州司曹

集作田

叅軍貞元三

集作二

年集

集無此字

授鄂

州司倉叅軍累職貞慎如率府倉曹時每罷官待集卜

勝屏居宴

集作晏

如也鄂州秩滿愛其風土亦止焉

集作愛其

江山宅心馬

貞元十二年冬又合集春赴京師遇疾於途以

二月四日終于汝州龍興縣之逆旅時年六十七凡八

仕三十一年歷官四政祿非豐儉以足務雖劇通以簡

上以中正

集作政非

重下以公平矚皆白圭無玷朱紘有聲

嗚呼公之材量如鐘含音如水待月

集作盛

大小當應方

圓必合公

集作我

則不銜人胡不求莫能全展光耀以至

殞歿悲夫保性居業時行則行時止則止道也公昔

於名宦之理是焉仕祿農耕猶生則營若死則已亦道

也公昨之

集作於是

歧路之役是焉公存以道始亡以道終

至人不違道公與之同旋正矣乎善始終者也夫人隴

西彭氏戴天之感痛以禮成長子曰

集無曰字下同

晃次子曰

暈季子曰果伏凶

集作凶是

之號以至見血以某年二月日

卜葬于某郡

集作鄉

某原禮也佳城一閉他時古丘後之

人孰知丘中之德墓許有誌故為墓誌銘庶覩今為古者明斯地泉下有君子焉銘曰

一種鱗物神則曰龍一種植物真則曰松英英楊公於

人被物

集作楊公於人被真役神

藝術潛宏溫良內克名不稱實祿

有負德天桃信美不能秋敷冬日可愛日

集作亦

用西徂

大隈

集作此

斯來無賢無愚英英楊公與逝川俱卜宅

集作

此脩原有形永圖

集作宅

東海之

集作西

山不易其廬

集作其廬

易罔

嶺南節度判官呂公墓誌銘 柳宗元

呂氏世居河東至延之始大以御史大夫為浙東道節
度大使延之生渭為中書舍人尚書禮部侍郎刺湖南
七州生四子溫恭儉讓以溫為尚書郎再贈至右僕射

恭字敬叔他名曰宗禮或以為字實惟呂氏宗子尚氣節有勇畧不事小謹讀縱橫書理陰符握機孫子之術曰我師尚父冑也大父洎先人咸統兵今天下將理平蔡充冀幽洎戎猶負命早夜呼憤以

闕

任爪牙畢

力通天子命作文章咸道其志云又曰由吾兄而上三

世世為進士吾文為不墜教戒猶

集作獨

武事未克續厥

緒因棄去從山南西道節度府掌書記預謀畫不甚合以試守軍衛佐加協律郎入薦為長安主簿復出以監

察御史參江南西道都圍練軍事府表進殿中侍御史
為桂管都防禦副使元和八年去桂州相國尚書鄭公

遮留假嶺南道節度判官至廣州病疹

集作瘡是

瘡加滯六

月二十八日卒妻裴氏戶部尚書延齡女有丈夫子三
人曰爽曰壞曰特女三人曰環曰鸞曰倩皆幼行於道

而倩又死遂以柩如洛陽祔葬如

集作於

大墓款志呂氏

世仕至大官皆有道宜興於世温

集作泊字

恭名為豪傑知

者以為是必立王功活生人不幸温刺衡州年四十年

恭未及理人年四

集作
三是

十七又卒也世固有有其具而

不及其用若温恭者邪恭貌竒壯有大志信善容物宜
壽考碩大而又不克呂氏之道惡乎興銘曰

颯颯之風乎不可追有志之大乎今安歸呂君去我死
乎吾誰依

河南府司錄叅軍盧君墓誌銘

李翱

君諱士瓊字德卿范陽人家世為甲姓祠部郎中融

集作

融

之長子明經及第歷寧陵華陽

集作
陰

二縣主簿知泗

州院事得協律郎鄭少師之留守東都奏為推官得大理評事韓尚書代為留守請君如初尚書節將陳許奏充觀察判官得監察御史府罷歲餘除河南府戶曹以疾免河南尹重其能奏為司錄叅軍八月癸丑發疾而卒年六十九君少好著文精曉吏事少遊故丞相陽炎張延賞之門楊美其文辭張每歎其吏材過人常攝職同州當徵官稅錢時民競出粟易錢以歸官斗至十八

九君白刺史言狀請倍估納粟下以澤民上可以與官
取利刺史詰狀君辨其所以必然刺史行之民用得饒
未一月果被有司牒和收官粟斗給六十後刺史到欲
盡入其羨于官君既去職猶止之曰聖澤本以利民民
戶知之不可以獨享刺史乃懸榜曉民使請餘價因以
絹布高給之民亦歡受州獲羨錢六百萬其為戶曹決
斷精速曹不擁事及為司錄始就官承符吏請曰前例
某等一十五人合錢二千

集無此
二字

儻人與司錄養馬敢

請命因出狀君謂

集作呵

曰汝試我邪使拽之將加杖承

符吏衆進仰曰前司錄皆然故敢請君告曰司錄豈不

自有手力錢邪用此贓何為因叱出之召主饌吏約之

曰司錄判官文學叅軍皆同官環處以食精麤宜當一

不合別二

集無此字

無踵舊犯吾不恕及日終厨之率其餘

而分之文學叅軍得司錄居三之一君饒之曰俸錢職

田手力數既別官品矣此殮錢之餘不當計位高下從

此後自司錄至叅軍平分之舊事掾曹之下各請家僮

一人食錢助本司府吏厨附食司錄家僮或三人或四人就公堂餘食侵撓厨吏弊日益長君使請家僮二人食錢於司錄府吏厨附食家僮終不食官厨召諸縣府望吏告曰某居此歲久官吏清濁侵病人者每聞之司錄職當舉非法徃各白汝長宜慎守廉靖以澠池令為戒其所改易皆刻已使人堪為故事及君卒士君子相弔哭咸以為能高而位卑不副有子三人孺方嗣宗嗣業號慕祇守不失家法女二人前娶清河崔敏女無子

後娶滎陽鄭虬之女有子故皆附葬於祠部塋東北孺
方叩頭泣曰丈人先與先父集作嘗與先子同官而游宅居南
北隣敢請紀石翺不得辭乃據所見聞者鐫其實可推
類以知凡所從事之賢銘曰

嗟盧君性直而用優約已以利人宜壽宜貴以拯時所
難集作艱其緘而不伸以喪厥神豈奪惠于東民悲夫

信州司馬

集作檢校工部員外郎

任君墓誌銘

前人

君諱佶字叔正樂安人殿中侍御史元植

集作恒

之孫靈

府功曹日新之子君少遭父喪養母以孝稱京兆尹崔

光遠表試左清道率府兵曹叅軍勅攝富平縣尉知縣

事及克復京師以功授成都府犀浦縣丞又以優授涇

陽縣尉吐蕃犯都代宗幸陝州君召募吏人保守佛寺

寇不敢逼擢為本縣令充渭南

集作北

十縣團練使及駕

回京為同列潛搆功不得論僕射裴冕寃而奏之得長

安縣尉轉本縣丞歷大府寺丞未幾遷監察御史京畿

館驛使判官中書侍郎元載為澤潞使請為判官轉殿

中侍御史又檢校工部員外郎兼侍御史判官如故元

載得罪君左授建州建安縣集無此字尉及楊炎入相君以

書戒之由是楊怒而不用又移處州司戶再授信州司

馬觀察使鮑防集作鮑非以為判官權知饒集作詔州事遘疾

歸卒于集作於信州權寔於州西原有詩兩卷前娶宗正

氏女生男冀為邠州司法叅軍三女各為士妻後娶杜

氏女子三人曰淑集作叙下同曰羨曰弁女五人長女嫁長

洲尉源咸季次女權適權穎三女早卒少女二人未許
嫁淑歷佐太府以吏能有聲為度支振武營田使得試
協律郎攝監察御史元和十四年杜氏卒淑乃自信州
奉府君之喪合葬於萬年柳村從先人舊塋淑嘗與翱
同事嶺南府翱知淑之賢集作方亟薦於時故淑來請誌
銘曰

士生于時兮所貴者才有才無命兮古今所哀噫

歙州長史隴西季府君墓誌銘

前人

府君諱則字某涼武昭王十三世孫大父獻眉州別駕

時宰相有請婚者力不可止因去官歸

集作居

家弟遇疾

集作病

暴卒別駕燒一指以禱於神既而弟復生自說方

就繫上帝有命以凡燒指宜復其生別駕生令一侍中

源乾曜一子求婚府君拒之固以詞抵之貶黔州彭水

尉遂以壽終府君始十餘歲先夫人以之從喪歸殯汝

州由是依于舅族少好老子莊周之言與羣童居

集作游

盡能記他童之始

集作所

習先夫人學左氏春秋博該百

家之書故府君以經史浸潤力田供養由是少不肯求

仕善草隸畫弓矢博奕皆得其妙既冠得濠州定遠縣

集無縣字

尉假領他縣令嚴而行吏急民寬富豪并貧民之

產而不稅者盡以法治之貧民用安罷職復還其初從

事嶺南得試左

蜀本作右

武衛兵曹於福建得試太子通事

舍人大理司直授歙州長史宣歙觀察使請為判官奏

未下以疾卒年七十四夫人河南元氏壽州刺史從之

女年六十八先府君而終生于某子某皆未仕早卒女
子五人長女壻禮部員外郎鄭錫次女壻桂府觀察使
杜式方次女壻京兆韋放次女壻滎陽鄭循禮小女壻
密縣尉鄭公瑜幼子克恭少讀書學文以兄舉進士家
事自飾弗克求名故年四十有六始奏授睦州司兵累
遷試大理司直蕪殿中侍御史充鹽鐵推官寶曆三年
三月克恭奉府君夫人之喪歸葬于鄭州某縣岡原朝
知克恭之材十三年矣故克恭以府君之葬來請且曰

將以六月庚申窆知克恭者若吾季叔又何

何字集作安可

以

辭銘曰

德不稱祿鬼神之責材優以賤古人不戚非道不

集作弗

求曷計人爵慶蘊而傳後必有積其葬為誰孝子之卜

著蔡僉吉嘉原乃

蜀乃作創

擇合骨于茲終永其託何以識

之有封有栢

文苑英華卷九百五十七

欽定四庫全書

文苑英華卷九百五十八 宋 李昉等 編

職官二十

王倉曹墓誌一首 李巡官戲墓誌一首

杜支使顓墓誌一首 杜司馬詮墓誌一首

裴巡官希顏墓誌一首

揚州倉曹叅軍王府君墓誌銘

白居易

公諱某字士寬其先出自周靈王太子晉凡二十一世

集作代而生翦翦為秦將軍又三世而生珣珣居太原故

今為太原人又一十九世集作代而生瓊瓊為後魏僕射

謚孝簡公又三世集作二代而生曾祖諱滿官為河南府王

屋縣令王父諱大璉為嘉州司馬父諱昂集作昇為京兆

府咸陽令河南府伊闕令有文行學術應制舉對沈謀

秘畧策登科詩入正聲集公則集作即伊闕第三子好學

善屬文天寶中應明經舉及第遷授婺州義烏縣尉以

清幹稱刺史韋之晉知之署本州防禦判官無何租庸

轉運使元載又知之假本州司倉專掌運務歲終課績

居多又

集作遂

奏聞真受永泰中勅遷越府戶曹屬邑有

不理者公假領之所至必理大厯中本道觀察使薛蕪

訓以公清白尤甚表奏之有詔權知餘姚縣令時海寇

初殄邑焚田荒及營邑居

四字集作公乃營邑室

創器用復流庸

闢蓄畬凡江南列邑之政公冠其首焉

集無此字

其制邑闢

田增戶之績則會稽之牒地官之籍載焉建中初授揚

州倉曹叅軍至四年七月二十六日疾歿于揚州江都

縣私第

集作歿于江都縣之私第

春秋六十有二夫人清河崔氏鳳

閣舍人融之姪孫鄭州司戶

集作法

昂之女婦順母儀

集作

訓

為中外師

集作中外師之

貞元二十年十一月十三日疾終

于三原縣之官舍享年六十有三

集作二

有子曰播曰炎

曰起咸以進士舉及第播應制舉對直言極諫策授集

賢殿校書郎累遷監察殿中侍御史三原令炎既第未

仕起應博學宏詞科選授集賢殿校書郎昆季三人不

十年而五登甲科時論者榮之一女適范陽盧仲通播

等護號

集作號護

靈輿以永貞元年十月二十五日遷祔于

京兆府富平縣淳化鄉之某原從吉兆也嗚呼夫懋言行蓄事業俾道積于躬者在人也踐大官贊元化俾功加於民者由命也有其人無其命雖聖與賢無可奈何惟公受天地之和積為行發為文宣為用故在家以孝友聞在官集作行已以清廉聞從事以幹蠱聞如金玉在佩動而有聲其大者又常以經德秉哲致君濟人為己任

有識者心

集作深

知之宜乎作王者心膺耳目之官以經

緯其邦家而才為時生道為命屈名雖聞於天子位不

過於陪臣鬱然殞歿不展其用者

集作鬱然沒而不展其用者

命矣

夫古人云有明德大智者若不當世其後必有餘慶今

其將在後嗣乎不然者何乃德行政事文學具美叢於

公之三子乎天其或者殆將肥王氏之家大王氏之門

以甚明報施之道者也某不佞頃對策於王庭也與播

集作

同升諸科焉祇命於憲府也與播連

集作

取執其簡

焉及其

集無此字

為考文之官也又起在選中焉既

集無此字

辱

與公之二三子游而聆公之遺風甚熟故作斯文無隱

情無愧辭焉銘曰

緱

一作淮非

山道光淮水靈長繩繩子孫代有賢良將軍輔

秦武功抑揚孝簡翊魏文德閭彰降及於公實生于唐

大智全才應用無方作掾於郡三語有章承乏於邑一

同在康展如之人何用不臧直登大位俾紹前芳嗚呼

百鍊之鋼

集作金

不鑄干將十圍之材不作棟梁公亦如

之與世不當道不虛行後嗣其昌

平盧軍節度巡官李府君墓誌銘

杜牧

牧大和元年舉進士

集作及字

第貢於

集作鄉貢

上都有司試於

東都在二都羣進士中往往有言前十五年有進士李

飛自江西來貌古文高始就禮部試賦吏大呼其姓名

熟視符驗然後入飛曰如是選賢耶即求貢如是自以

為賢耶因袖手不出明日徑返江東牧曰誠有是人吾

革不可得與為伍矣後二年事故吏部沈公於鍾陵宣城為幕吏兩府凡五年間同舍生蘭陵蕭寘京兆韓乂博陵崔壽每品量人之等第必曰有道有學有文如李處士戡者寡矣是卑進士不舉嘗名飛者牧益恨未面其人宜喜其人之在位也大和九年為監察御史分司東都今諫議大夫李仲敏左拾遺常楚老前監察御史盧簡求咸言於牧曰御史法當檢謹于少年設有與游宜得長厚有學識者因訪求得失資以為官洛下莫若

李處士戡牧謝曰素所恨未見者即日造其廬遂旦夕
往來開成元年春二月平盧軍節度使王公彥威聞君
名挈卑詞於簡副以幣焉請為節度巡官明年春平盧
府改君西歸病於路卒於洛陽友人王廣思恭里第享
年若干君諱戡字定臣七代祖渤海王奉慈祖杠衢州
盈川令父登婺州浦陽尉浦陽晚無子夫人吳興沈氏
夢一人狀甚偉捧一嬰兒曰予為孔某以是與爾及其
集作期而生君因名曰天授君幼孤旁無羣從可以附託年

十餘歲即好學寒雪拾薪自爇夜無燃膏默念所記年
三十盡明六經書解決微隱蘇融雪釋鄭元至于孔穎
達輩凡所為疏注皆能短長其得失一舉進士恥不肯
試歸晉陵羨里得山水居之始開百家書緣飾事業
每有小功喪訖制不食肉飲酒語言行止皆有法度陽
羨民有鬪諍不決不之官人必皆以詣君所著文數百
篇外于仁義一不闕筆常曰詩者可以訶可以流於竹
鼓於絲婦人小兒皆欲諷誦國俗薄厚扇之於詩如風

之疾速常

集作嘗

痛自元和以來有元白詩者纖豔不逞

非莊士雅人多為其所破壞流于民間䟽于屏壁子父

女母交口教授淫言媒語冬寒夏熱人人肌骨不可除

去吾無位不得用法以治之欲使後代之有發憤者因

集國朝已來類於古詩得若干首編為三卷目為唐詩

為序以道

集作導

其志居江南秀人張智實蕭寬韓人崔

壽宋祁楊發王廣皆趨君交之後皆得進士第有聲名

集作名聲

官職君尚為布衣然於君不敢稍怠君在洛中困

甚河南節度使蕭洪移鎮鄜州諫議大夫蕭倣以君言於洪洪素敬諫議即欲謁君以請君曰人間譁言洪盜籍外戚一窺其面能易吾死尚且不忍死况為其黨乎居數月洪果敗娶弘農楊氏女早卒于二人長曰審之次曰鼎郎始五歲以某月日權葬于常州宜興縣某鄉里某於君為晚交得君最厚因為之銘曰

命如烟雲道比

集作宅

宮道煙雲飄揚莫知往來為道不

至無以偃息有道有命偶然相值命不在我不肖亦貴

豈可指此與彼為市嗚呼定臣曰德孔循集作循曰學必

聖飾集作飾我兢兢不一集作不一言命可傳其心以教後生

嗚呼哀哉

淮南支使試大理評事兼監察御史杜君墓誌

銘

前人

君諱顓字勝之曾祖涼州節度使襄陽公贈左僕射希
望大父司徒平章事太保致仕岐國公贈太師佑皇考
駕部員外郎贈禮部尚書從郁君幼孤多疾目視昏近

先夫人不令就學年十七讀尚書十三篇禮記七篇漢

書至

集作止

賈誼傳不復執卷年二十四明年當舉進士

始握筆草

集作草

闕下獻書與裴丞相度指言時事成合

集作各

數千字不半歲遍傳天下進士崔岐有文學峭澁

不許可人詣門贈君詩曰賈馬死來生杜顛中間寥落

一千年二十五舉進士二十六一舉登上第時賈相國

餽為禮部之

集作二字

年朝士以進士干賈公不獲有傑強

毀朝者賈公曰我只以杜顛敵數百輩足矣始命試必

書正字匪使判官李丞相德裕出為鎮海軍節度使辟
君試協律郎為巡官後貶袁州語親善曰我聞杜巡官
言晚十年故有此行太和九年夏君客揚州六月授咸
陽尉直史館君曰訓注必亂可徐行俟之至汴二亮敗
及洛以疾辭東下居揚之集作州龍興寺丞相牛集作奇章公
僧孺請君入幕府君謝曰李公在困未願副知已開成
二年春日益昏冬遂喪明李為淮南節度使復請為試
評事兼監察御史支使兄牧自馮翊迎醫石生曰是伏

集作

腦脂下融名曰內障如蠟塞管蠟去管明俟脂凝

可以抉去無不愈者後二年石曰可治治不効自馮翊

別迎鑿醫曰嗟乎障有赤脉如木根橫可牢不可斷是

法名曰日脚內障生日脚者法不可治君因居淮南築

室治生不復言治眼事聞於天下無不嗟嘆君安泰自

如令人旁讀十三代史書一聞不遺客來與之議論證

引聽者忘去年四十五大中五年二月二十五日卒男

集作

一男曰麟師年十歲女曰署

集作

兒始五歲六年二月

八日歸葬先塋實萬年縣洪原鄉少陵西南二里牧今年五十假使更生十年為六十人不夭矣與君別止三千六百日耳况早衰多病敢期六十人乎忍不抑哀以銘吾弟銘曰

古之達人以生為寄為夢以死為歸為覺

集作竟不同

不知

生偶然乎其有裁受乎偶然即泯為大空與不生同其有裁授

集作受

乎嗚呼勝之今既歸而覺矣其自知矣何

為其然乎嗚呼哀哉

復州司馬杜君墓誌銘

公諱詮字謹夫河西隴右節度使襄陽公贈司空之曾孫司徒岐國公贈太師之孫司農少卿贈給事中之子公以岐公蔭調授揚州叅軍同州馮翊縣丞衛尉寺主簿鄂州江夏縣令復州司馬年六十某年月日終於漢上別業岐公外殿內輔凡四十年貴富繁大兒孫二十餘人

集作孫兒
餘二十人

晨昏起居同堂環侍公為之親不以進

門內家事條治裁酌至於筐篚細碎悉歸於公稱謹而

治自罷江夏令卜居於漢北泗水上烈日笠首自督耕

夫而一年食足二年衣食兩餘三年而室居

集作屋

完新

六畜肥繁器用皆具凡十五年起於墾荒不假人

集作之字

一毫之助至成富家翁常曰忍恥入仕不緣妻子衣食

者舉世幾人彼忍恥我勞力等衣食耳顧我何如後授

復州司馬半歲棄去終不復仕以某月某日歸葬于長

安城南少陵原司馬村先塋牧為從父涕泣而銘曰

集作

泣涕而
書銘曰

公侯之家所業唯官薄官

集作官

業農墾荒室完人仕多

恥以農力勞等衣食耳勞力者賢歸全故丘慶期子孫

集作孫子

邕府巡官裴君墓誌銘

前人

君諱希顏字某裴氏於百氏中獨標其族曰眷三分之
為東西中君東眷裴在國朝名位最大曰冕艱難中定
冊立肅宗於靈武而相之繼相代宗僅十五年國史有
傳冕於君為堂伯祖父王考某終朗州刺史娶宣州寧

國令滎陽鄭某女生四男君為首生朗州為塾屋河西
令道朗二州刺史公廉剛簡強於愛人凡闕百姓一毫
事與京兆尹節度使爭論大聲於庭府間前如無人然
未嘗以杖責治家家人有過失則諭之諭不變者出之
為良人終不忍牽鬻於市將終鄭夫人泣請遺令曰吾
之廡驛為塾屋時役之今踰十年聽其老死慎不可賣
言訖而絕君生浸染仁父之化溫良柔友窮居鄂集作鄂
縣饑寒集有餘字二十年未嘗出一言以愠不足司農卿裴

及為邕府經畧使辟君為從事得南方疾歸大中二年

某月日卒於

集有其字

家享年若干不娶無子牧娶裴氏實

君之私其弟覺泣來請銘銘曰

淑其性生無位死無子孰識其端



文苑英華卷九百五十八

欽定四庫全書

文苑英華卷九百五十九 宋 李昉等 編

職官二十一

李明府嘉墓誌一首 楊明府靈崩墓誌一首

楊明府鷗墓誌一首 權明府有方墓誌一首

白明府季康墓誌一首

隰川縣令李公墓誌銘 楊 炯

公諱嘉字大善隴西成紀人也趙郡太守雍州大中正

上開府永康公之孫幽州都督鎮軍大將軍上柱國丹

陽公之子重華以文明允塞謨九德於臯陶仲尼以恭

儉溫良繙六經於柱史將軍李牧人主願其同時河尹

李膺天下思其執御况乎衣冠代美祖考集有時家聲

占於日月可宗集作周之姻集作姓誓以山河則炎集

大漢之劉氏公門承將相地積英靈望之儼然橫斷山

而鬱起聽其言也注懸河而不竭玉則秦王所見天照

白虹劍則殷帝所傳星浮雲集作氣假使蔡中郎之博

紫是

學郭有道之人倫何嘗不聞迎王粲而例屣為茅容而
下拜起家為太子左千衛以調升也按河圖於玉版震
一索而為長男考天象於銅渾心前星而為太子直城
霞遶曲障雲平出入青牓之門周旋黑衣之列稍遷越
王府戶曹參軍越之建國也地居南斗之躔王之受封
也禮極東門之拜郎爵集作郵霍所以隆懿親恭和所以資
明德一言而干楚后即從集作收雲夢之畋三見而說趙
王仍襲上卿之印又遷隰川令川原爽塏風俗和平晉

獻公之消夷吾是邑代恭王之子郢容為侯

漢書代恭王子義嗣

其父為王楚元王子郢容止為侯今英華云代恭之子郢容為侯未詳而炯集乃云楚代恭王之子郢非容為

侯尤不

陽泉依六壁之城孟津合三溪之水公以輜車

就列墨綬當官有蠶績於鄙人用牛刀於魯邑市廛無

競不假鞭絲學校方興唯聞擊石諸侯取其軌則四海

瞻其儀表為杜陵之男子誰繼

集作

後曹箴鄉里之小

人願辭彭澤於是退歸初服就養私門戲嬰兒於階下

扶老生於井上尋丁外難

集作

哀毀踰制加人一等俯

就三年服闋襲封丹陽公勲上騎都尉公以安車禮盛

賜杖年高

集作侵

被服先王之道游優太平之化左棊右

書謀孫翼子居常飽德不言何氏之萬錢直置當仁豈

特于公之駟馬清風可賞必有鸞鳳相期白雪時遊多

以神仙見屬義形於金石節貫於松筠西山五日之朝

將化羽而生翼北海明年之

一作大明而

驗便展

集作度

辰而

至己以永淳元年八月二十一日終于京師道政里之

私第享年七十二嗚呼哀哉長子隨州光化縣令守節

等哀纏弔鶴痛結鄰人孝之始也則身體髮膚所以全

其性孝之終也則衣裳棺槨所以成其禮天高八萬想

京兆而可

集作何

從地闊三阡對佳城而有恨越弘道二

年歲次甲申正月甲申朔二十六日己酉陪葬於昭陵

東南之平原炯樗櫟庸材瓶甗小

集作淺

器仰惟先友叨

雅契於金環俯逮婚

集作嘉

姻荷深知於玉潤南容有道

僅聞將聖之言東武建瑩俄述安仁之賦

集作誄

嗚呼哀

哉乃作銘曰

愛初帝子堯之大理降及真人國之柱史衣冠百代慶
靈千祀吉兆占熊嘉名贈鯉聿脩厥德必復其始大孝
因心至仁由已肅成門內章華宮裏父任為郎學優則
從集作仕陽山之曲蜀江之涘集作月旦乘鳧田間狎雉
其心若鏡其直如矢亟改炎涼罷歸桑梓象賢舊國安
車暮齒忽愴池臺俄悲生死郭門一望郊煙四起夫復
何言平生已矣

滑州匡城縣令楊君墓誌銘 常 衮

嘗讀東觀漢記至楊公四世大尉咸有清德泱泱乎鄒魯之風盡在丞相府矣百有餘年論道王室宜哉自後卿大夫洎二千石史不絕書以及於公公諱靈則字靈崩弘農華陰人也高祖兵部尚書高都公尚希尚希生宜州別駕丹川公壽旻旻生司農少卿徵徵生正議大夫漢州金堂縣令務道光昭先君之懿範其有後于闕西乎公金堂第二子也幼以五經上第參卿博陵貳職鄆鄆孫楚長揖桓譚不樂一錄州事會稽稱之再領

縣尹自范至匡化行衛濮公易直子諒之心根於始矣
加以好學止於蓋棺德行孝悌溫良博愛故宗族稱其
仁朋友稱其信鄉黨稱其敬蓋君子之道歟及長從吏
以寬服人官刑不行職事益辨及與之邑亦尅用人和
氣充塞於百里頌聲洋洋乎至今其良吏之政歟赤紱
在股下大夫事知止足之分有終焉之志懸車告老飾
巾待期浮雲身世脫屣軒冕追先生於彭澤繼徵士於
太丘斯達者之流歟天寶十四年十二月十日寢疾於

匡城縣歸休之私第春秋七十有三屬賊臣以山東叛
乃公歿之明日也且告車米甚衆徹子少殯故有闕在
邑南鄙於堂西序啓足牖下上周於身十年于茲百戰
之所折棟餘燼荒墳茂草柱下史能秀武公之嘉客衮
之姻友廣德元年夏四月本詣河外假道於匡訪郝公
之舊邑歸戴侯於故里以其年十月一日合祔於少陵
原禮也夫人河東縣君薛氏婦道母儀六姻取則於我
歸處葛之覃兮及公而終木已拱矣子環在外不及主

喪其誰尸之曰有三女無天何戴無地何履誓合泉壤
感通神明終還營丘竟同防墓空悲蔡女之孝有媿潘
郎之詞銘曰

夫物云云

老子作
芸芸

各復其根事有必至理有固然少陵

古原京兆新阡匡城夫人河東小君同居此地豈恨重
泉誌於方石庸有賢人

犀浦縣令楊府君墓誌銘 符載

唐益州犀浦縣令弘農楊府君春秋三十九以大厯十

四年冬十月卒於郾縣之私第且迫多故權寔於是縣之近郊有才于衡進士擢第官曰左金吾衛倉曹叅軍為桂陽部從事以貞元十五年十月某日啓護於成都以十六年春二月某日歸葬於鳳翔之陳倉某鄉某原從先塋也府君諱鷗字叔儀漢太尉次子復之裔羽林衛大將軍襲闕國公之曾孫金吾衛大將軍漢潤夔濮等六州刺史令深之孫朝請大夫絳州司馬昭獻之子發緒洪流丕承和粹世嗣厥德休有光耀府君涵五氣

之英華挺九流之上才端睦孝慈勇義而文年甫弱冠
儔朋推揖鄉里舉考士未果銓試遭司馬捐館崩迫歸
絳營邱三年服除承順遺命再射羿穀會大盜入國太
上皇南巡以制科登第補修前績怏怏有遺意也解褐
授隴州汧隴縣尉地衝賊要方急完禦公以一尉之柄
捱挽令長驅徒走吏摧沮橫猾用張我師天子聞而嘉
之詔授大理評事參佐汾陽公幕府暮猷碩畫實詢我
焉是時公年未三十聲華隱發青萍出匣霜鉞照人人

既心畏我之自負繇是有貝錦之詩焉遂除成都府戶
曹叅軍事太夫人在堂公養志氣奉遺體動無違顏唯
疾之憂故州間稱其孝也孤寡稚弱族居百口饘粥齊
一莫名我爾故朋友尚其義也有從祖父誤淪罪網家
為奴隸宗屬顧視咄嗟而已公破鬻田產露坐佛寺不
計旦夕悉以資贖世母與太夫人重聯姊妹之歡眇焉
室妹奮出泥滓嘉偶於吉士故鄉黨服其仁也於風流
興詠高標賈遠妻嫂姑姊妹羣從子弟又雅為文每良

辰美景指烟月眇琴酒未嘗不操觚拂硯搜拾奇麗不出庭戶璨如瓊瑤亦一門之盛永泰三載蜀將亂迫公不從之築塞門戶視死不應相國杜公鴻漸景行操履奏授犀浦縣令闕之鼎用烹小鮮一邑之理固不待歌頌而知矣時視僚友杜員外甫岑郎中參郝舍人昂聞公風聲望公飛翔謂青冥寥廓舉翼而至不幸殞落鄰乎短祚遠邇承風失聲咨嗟與善降祥其安在哉夫人李氏趙郡之望族也祖宗饒州司馬考譔成都府法

曹夫人貞懿文淑風度明茂奉上撫下閨門穆然天寶十四載春秋十七而歸於我在蜀前公二歲而歿故至二是合祔焉倉曹少孤露始在齶孺荼蓼辛螫厚自砥礪攻文種譽樹身須時克荷嘉聲君子以為孝嗣矣某與倉曹為山林之友二十年矣迨遞萬里見託為誌故一作得備采風烈銜恤為銘刻於墓門之石銘曰

寶雞古地鬱穹崇兮高山大澤氣所鍾兮神歸卜宅安其中兮延休發祉方未窮兮

再從叔故試大理評事兼徐州蘄縣令府君墓

誌銘

權德輿

府君諱有方字某天水略陽人

集有也字

曾祖崇本皇朝散

大夫滑州匡城縣令祖若訥皇右補闕起居郎桂歛梓

三州刺史考做皇杭州紫溪縣令代以儒門四科為家

法故發於文則菁華施於政則惠蘇公承是休德飭躬

踐行得詩之無邪易之通理凡五授命皆以推擇曰左

清道率府兵曹參軍太子通事舍人陳州司法參軍亮

州司士叅軍

以集有至字

大理評事兼徐州蘄縣令滿歲南

浮

集作游

遘疾於途

以貞元十六年夏五月歿於楚州之

旅館春秋若干夫人河間劉氏樂城公仁軌之元孫也

明智才淑有子曰長孺弱冠舉進士甲科文行清修苴

泉其容水漿不入以某

集作其

年某月日得吉卜於某地

其引也蓋殯也以輿師繁興未遑歸窆於東周之大壘

姑刻圓石書其略云公夷通直信睦姻任恤位卑而志

宏居約而家肥有為有守不疾

集作疾是

不殆其初命再命

宮衛贊謁雖未居真秩而四方之嘉招狎至其後掾二
邦奉六條受祿不誣實聞其政或攝領通邑或分乘輅
車皆有裕人之仁急病之義及理於蘄也能遂物之宜
不奪人之時嘉惠善利洽於千室猶即墨桐鄉之理無
不及也又嘗饋師於回中從事於夷門皆有功利稱於
其府其去蘄也西方節將議委以謀猶介撰之重且謂
弓旌之未稱也將以柱後惠文之冠招公章既上而公
大病斯可歎也

集作已

作

猶子族子自暮及總侍疾承計崩

波塗潦又以見公夙訓慈仁之所逮也噫噫

集作噫
嘻是

自

匡城至公四代而三為縣大夫皆用循政聞且以兩漢
邴曼容陳仲弓為準故不至豐祿加以梓州之懿文盛
德排抑於時道未光大終於郡節或者蕃祉必復其在
後裔乎此宗門所以有望於公之孤之昌大也既而緘
公理命命以論譔小子愀然涕洟而為之銘曰

恭惟叔父信厚清厲有車翹翹將事匪懈椽吏二部文
而無害施化一同斬人以乂易象視履謂耆而艾奄然

不淑力命相豎楚挽虞殯風烟晦昧屬詞貞珉寧此厚
載

漂水縣令太原白府君墓誌銘

白居易

公諱季康字甚太原人秦武安君起之裔胄北齊五兵
尚書建之五代孫也曾祖諱士通皇朝利州都督祖諱
志善尚衣集作奉御父諱鱗揚州錄事叅軍公即錄事
府君次子歷華州下邳縣集無尉懷府河內丞徐州彭

城令江州潯陽令泗

集作宿元和四年始析泗州之虹
置宿州太和三年廢七年復置

州虹縣令宣州溧水令某年月日終

集作歿

於溧水官舍

明年某月日歸葬於華州下邳縣某鄉某原享年若干

嗚呼公為人溫恭信厚為官貞白嚴重友于兄弟慈于

子姪鄉黨推其行交游讓其才自尉下邳至宰溧水皆

以廉潔通濟見知於郡守流譽於明察才不遇

集作偶時

道屈於位而徒勞於州縣竟不致於青雲命矣夫哀哉

公前夫人河東薛氏先公若干年而歿生二子一女女

號鑒虛未筭出家長子某杭州於潛尉次子某睦州遂
安尉後夫人高陽敬氏父諱某某官生一子二女女皆
早夫子曰敏中進士出身前試大理評事歷河東鄭滑
邠寧三府掌記夫人在室以孝敬奉親為淑女既嫁以
柔和從夫為順婦及主家以慈正訓子為賢母故敏中
尊其教飾其身升名甲科歷聘公府以文行稱於眾以
祿養榮於親雖自有資集作兼財然亦由夫人誨道之所
致也夫人以大和七年正月某日寢疾終於下邳別墅

享年若干以明年某月某日啓溧水府君薛夫人宅兆

而合祔焉禮也時諸子盡歿獨敏中號泣喪集作事託

從祖兄居易誌其集作墓石銘曰

繫我叔父溧水府君治本於家事政施於尉集作民繫我

叔母高陽夫人德脩于家室慶積於閨門訓著趨庭善

彰卜隣故其嗣子休有令聞

文苑英華卷九百五十九

欽定四庫全書

集部

文苑英華卷九百

六十五
六十二

詳校官庶吉士臣龍廷槐

助教臣常循覆勣

總校官進士臣朱 鈇

校對官助教臣蔡 鎮

校對官學正臣湯 垣

謄錄監生臣丁 緯

謄錄舉人臣鰲 圖

欽定四庫全書

文苑英華卷九百六十

宋 李昉等 編

職官二十二

高贊府墓誌一首 郭贊府墓誌一首

盧贊府墓誌一首 崔贊府遊墓誌一首

盧贊府峴墓誌一首 權贊府達墓誌一首

鄭主簿約墓誌一首 李主簿少安墓誌一首

韓主簿慎墓誌一首 崔少府泳墓誌一首

皇甫少府墓誌一首 獨孤少府正墓誌一首

宣義郎騎都尉行曹州離狐縣丞高君墓誌銘

陳子昂

君諱某字某其先渤海蓆人也因仕居洛陽

某無此字

今為

陽翟人昔赭鞭乘運襲赤帝之宗蒼兕膺

集作應

期承太

公之肩崇勲霸業光烈猶存曾祖某北齊太子中舍人

贈冀州刺史青宮近侍光寵朝班皂蓋追榮恩崇國禮

祖欽仁隋左親衛大都督檢校祕書郎帶七尺劍始遊

天子之階提

集作持

三寸筆終入芸香之閣父相唐江州

潯陽令舒州懷寧令絃歌之化身不下堂神明之威蝗

猶避境君即懷寧府君之長子也黃河一直青松千

集作

萬仞性惟仁孝行實溫恭文義必以潤身名節由其徇

物唐龍朔元年應

集作有

制舉忠鯁君對策及第試永州

三字集作試
守秦州非

湘源縣尉位卑黃綬志在清規秩滿以常

調補鳳州黃花縣丞梁竦長懷尚勞州縣桓譚不樂空
負琴書又轉易州遂城縣丞以管輅之才從趙典之任

古人斯在君子居之大周革命任曹州離狐縣丞而春

秋已高日月方出武盡美矣不侍集作得夷齊之臣文武

郁乎自循集作邈夏商之道於是因階秩滿告老歸閒閉

郊扉於南野習巖居於東澗詩書琴酒以觀先達之風

山木丘園將為遺老之賞天授二年歲在單闕七月二

十二日考終厥命卒於陸渾縣明高之山莊時年七十

有二嗚呼哀哉君雅尚清節素履元亨懷古人之遠圖

慕先賢之遺烈以為桓魋石槨非合集作則於禮經墨程

桐槲實宜於聖典遺令薄葬務取隨時即以其年十月
日葬於北邙山平樂之原禮也嗣子思恭孝思罔極喪
制過哀思封樹而緬懷恐東西而不志白楸為槲爰遵
古葬之儀丹漆題封即表永年之記銘曰

泱泱大風其太公兮穆穆君子紹厥宗兮中鯁察廉仕
漢宮兮才位高卑考永終兮哀哀孤子號蒼穹兮歸葬

平陵松柏拱兮

集作柏
松桐兮

咸陽縣丞郭君墓誌銘

常 衮

公諱某字某昔蔡邕叙有道之碑已詳姓氏司徒以廉直稱太守以仁明著祭酒之籌畫黃門之才理克作於曾祖驃騎將軍光祿卿仁最祖汝州司馬茂禕父濟州刺史崇禮咸以文武孝謹傳於子孫公即濟州府君之長子也高朗有識奉親孝事上敬睦於兄弟信於朋友好言王霸大略經術大義簡而無傲剛近於仁而能端本靜末仗雅居正年十二有老成之量季父崇默不以常見見遇謂必大吾門伏波之言不敢失陸仲容之器

居然宏達尋以明經擢第歷洛州平恩縣尉左金吾衛
兵曹叅軍明恕貞恪清廉仁愛克施於政政有經矣故
幕府三辟時稱得俊御史中丞李處古侍御史崔希逸
節度使張嵩爰以將命之務諮焉公之佐庶問也旌別
淑慝樹立風聲進厥賢良不仁者遠率由簡易希下按
章從容以和大變其俗公護戎事也善用文韜制其邊
患本詩書之義府資德刑之戰器軍吏緩帶兵車稅鞅
譚笑樽俎疆陲晏然凡所介貳皆有卓絕之稱每歸功

於上豈代師受名而士君子多所推重方將萬里橫海
一飛青雲三十有六年至於命天開元十八年四月十
八日寢疾終於長安第里命薄葬布車一乘而已不忘
平生之儉以示後昆之訓惟公博識強辨尤好理論至
於縉紳風教得失之間處正其義不以錙毫假物善與
人交不改柯葉一時之俊千里應言分宅字孤謂之已
任而特相友善者時則有若呂向梁涉庫狄履温終以
偉才良器綢繆省闈每一拜命未嘗不相謂曰使君不

歿吾輩豈先處顯地其精鑒雅望有如此者夫人安定
梁氏執禮之坊有儀可則哀敬以事宗廟謙柔以和娣
姒栢舟之誓年在幼冲諸孤始孩一生所寄送往過禮
撫存以慈魚菽之祭以彰勤儉俎豆之訓不墜文儒時
人謂之大家國史編於烈女徽音淑行雅有餘芳開元
十九年十二月二十四日終於雒陽私第玄寢異室三
紀于茲壬寅歲詔贈府君大理丞追封夫人安定郡太
君德盛流光禮微優典永泰二年十一月日合祔於金

城縣太平原禮也嗣子大理丞縱侍御史絳風遭閔凶
不及詩禮之誨尚賴慈獎幼彰令聞白簡持憲丹筆詳
刑忠信孝友合於純性悲夫欲養而親不逮再仕而心
不喜春秋寔宥痛結寒泉月日有時禮尊同穴蒸蒸之
慕有感人倫以袞夙有通家之好俾叙先君之德銘曰
世載忠厚有倬其道尊顯府君光昭祖考達識宏量汪
汪浩浩五經紛綸精義入神勞我州縣汨我風塵不屑
其志與時屈伸乃佐軍政戎荒底定乃登輶軒郡邑從

令交則不黷久而益敬有才無年零落重泉遺孤改隧
合祔終焉

舒州望江縣丞盧公墓誌銘 梁 肅

范陽盧君諱某字某漢侍中尚書植之裔孫北齊民部
侍郎范陽伯士嬰之元孫上蔡令彞倫之孫泌陽令某
之季子其令德甲集作官族上矣君孝發於內不懈於外
禮極於上不遺乎集作其下得太和之正性蘊明哲之茂

器學以聚之問以辨之百行行之一以貫之干祿代耕

非近榮也安卑從政非離羣也弱冠舉孝廉授舒州望
江縣丞夫道德繫乎已窮達繫乎時惟天生德於君而
止諸下位卑道消乎當世

十字集作不畀之年不與之位

噫造物者不

其惑歟享年四十有四天寶元年月日終於慰氏私館

是歲權寔於潁川之許昌里大曆七年月日胤子太常

寺協律郎東美初奉嚴訓以公之喪後祔

二字集作從

先大

夫於陽翟之某原禮也夫默而成之存乎德紀德音者

存乎詞銘曰

顯允君子克廣德心邈乎其高淵乎其深雲藏乎山風
隱於林時雨下降不聞其音性合元化形隨逝水天何
言哉命也已矣山川有變兮集無令聞不已兮字

洪州建昌縣丞崔君墓誌銘 權德輿

君諱遘字某博陵安平人也六代祖北齊右僕射昂以
文學正直周歷諸曹禮樂刑政所損益者十七八生隋
水部司門二郎中洽有風儀器尚以世其家司門生皇
掖縣令曇首掖縣生武邑令昭集作武邑生白水尉頂

頂生汾西令贈定州刺史昇之自掖縣四世含德不耀
君即定州府君之長子故相國右庶子安平公其介弟
也恬淡愿懿不遷於時仁於鄉黨友于兄弟大歷中御
史大夫贊皇李公之宣風於吳也聞其賢起家表薦集無

此為常州武進縣尉跡聞

集作

知己心不近名俛視官

曹非其好也建中初嗣曹王分閩案部於九江之西又
以名聞轉洪州建昌縣丞君喟然曰莊生於陵子吾之
師也惡用是哉終不屑就先是築室於昆陵疏清流蔭

碧蘚樹藝偃仰有終焉之志貞元十年正月日寢病

集作疾

終於其家享年六十三夫人范陽盧氏華宗淑行動

脩

集作循

禮法其孤景伯等年未及冠皆專經趣善藐然

銜恤護奉輜車以明年十月某日歸祔於河南東原之

舊塋先遠故緩也季弟著作郎速貞謀

集作諒是

遜弟稱於

士林抱終鮮之痛主歸全之禮以德興詳其素履俾為

墓銘銘曰

公綽之道澹無欲兮結

集作潔

身用晦言可復兮視履考

祥宜戩穀兮乃如之人胡不淑兮周原舊封森拱木兮
於以寧神識陵谷兮

潤州丹陽縣丞盧君墓誌銘 前人

君諱峴字某范陽人自

一有元字

魏已降官婚人物為天下

清甲大略書於國史詳言在乎家牒今所書三葉自曾
王父衛州司馬府君諱宏壽初貞晦不仕公車徵拜生
冀州信都主簿府君諱友裕友裕生揚州高郵縣令府
君諱相君即高郵之第若干子奉前人之業講先師之

訓以之克家以之從政直方謙厚卑不可踰筮仕三次
不離州縣之職曰亳州蒙城縣主簿楚州寶應縣尉潤
州丹陽縣丞寬敬蒞事不希名譽故每當廉問薦延之

目

集作
日

使臣陟明之舉皆遷延晦避時議多之清行懿

名竟用不振以大厯九年七月日寢疾終於官舍享年
五十五其娶隴西李氏柔順有婦行嗣子某等訣於著
蔡銜恤襄事以闕河不靖未克歸祔遂以某月日權厝
於縣之北原焉從宜也予僑居丹陽嘗與君游故粗書

事實以備刻石銘曰

生死沍沍如環斯循于嗟廬君於此歸根

再從叔京兆府咸陽縣丞府君墓誌銘

前人

府君諱達字某天水略陽人曾祖崇本皇朝散大夫滑州匡城縣令祖若納皇通議大夫桂歛梓三州刺史考僕皇深州安平縣令自十二代祖前秦安丘敬公至四代祖平涼公皆有勲力為通侯大吏自匡城至安平以

文采政事為列城二千石家法休聲貽於後昆府君以
士行吏理平端簡實大厯初調為家令寺主簿厯同州
馮翊縣尉河南府登封主簿京兆府咸陽縣丞居之必
聞考績得之必由綜覈中外之姻或據戚里都侈鄉未
嘗巧從以去窮約且以枉道由徑食浮於人為誠大率
每十歲徙一官故厯三紀而四受祿勤官肅事不誘於
長上循理蹈和不懾集作攝於健羨其有常歟其難進歟
貞元十九年歲在癸未秋七月壬戌感風疾終於新昌

里享年六十先是夫人南陽張氏明茂有禮法亦天奪
其壽府君周線既除三月而鞠凶及悲夫子墳等謀於
族屬家老以明年春二月己酉祔真宅於萬年縣龍首
原謹書官次以納幽窆銘曰

幽丘而下奕奕圭組宜昌廊城仍集作乃代啓土平涼策

勲梓州懿文家謀德風儀刑薦紳時惟叔父祇服丕矩
始仕官卿乃從左輔周旋二畿坦坦安卑遵道而行不
競于時修短奄忽兮嗚呼涕洟崇岡美楨兮永識于茲

河南府洛陽縣主簿鄭君墓誌銘

穆員

鄭君諱約字某元魏中書令周小司空金鄉文公穆之
七代孫皇朝東都留守京兆河南尹福建觀察使御史
大夫懿公叔則之冢子擢明經調大原府叅軍厯興平
尉洛陽主簿娶范陽盧氏生二男未齠二女未笄春秋
四十六貞元十年四月八日卒於東都尊賢里第十有
一月某日從先君子萬安山陽哀哉君事先大夫以聞

禮為業奉繼太夫人以無違為志孝也地貴門高蓋羣
從外姻歸之者如市身為冢嫡率以和氣煦其歡心行
也不籍世資自求於古立也餘力學文會友藝也前者
先大夫出入貴仕羽儀中朝君仲父李父皆以令名列
於清貫赫奕高明之盛莫之與京既而李父陷於國讎
先大夫薨於遐裔仲氏繼歿於位二夫人次夭於家君
與諸父兄弟斬焉相從藐爾相弔曰昊天之不我卹也
逮三年矣奈何聲未絕口而君又往焉於戲積善餘慶

之道信乎何其於始也信未及其終而欺繼之季弟納
柔明而文次迫當室孔懷加等之外似有怨且懼焉謂
員先公下賓仲季之執䟽君景行俾勒泉扃銘曰

人生盛衰如朝夕可歎繁華與凋落高門冠蓋昔如雲
一旦弔賓何寂寞盛德之後仁所歸嗟嗟之子何福違
我從先君終此山讓厥嘉祥貽後昆

長安主簿李君墓誌銘

權德輿

君諱少安字公和隴西成紀人自元魏僕射文穆公冲

而下為西州冠族或位不充者必以令德聞曾祖仲進

皇宣州司馬祖僑河南府澠池縣令父惜朝議大夫宗

正丞贈濮州刺史君即濮州第三子敏信寬綽篤於行

義方舉孝廉偶為所親者遷

遷字集
作薦延

授冀州阜城縣尉

既非所好終不屑就王黔中礎之持節廉問也表為推

官轉支使歷左武衛士

集作
胃

曹叅軍大理評事用誠直

贊佐夷落之人宜之府除至京師轉三元

集作
原是

縣尉筦

中書甲庫考績四俱

集作
居

上第遷長安主簿二陵復土

之重比歲會輦轂之下

集作會同
軌轂下

儲峙

二字集作
所莊儲峙

無違

典司廐置肅給安靜尹守以為能方受

集作授

代而復表

留一歲御史府

集作司字

察視者數薦君自代君方勇於退

故朝命未及焉元和三年三月乙酉感疾不起於長安

興化里第享年五十君溫仁孝友喻義循理恢恢然有

君子之度齒位皆屈而知者歎焉夫人滎陽鄭氏太僕

少卿叔規之女仁而不壽先是君元兄柳州刺史捐館

舍請君襄事間闕勤遠間一歲有嗒然之痛喪服甫除

俄啓手足噫以積善之家而叢不淑如是糾纏之數其
可問邪嗣子拭授等號奉輜車以夏五月景申祔於東
都潁陽縣之某原禮也音徽未昧集作志義相倫情殷
中外年同甲子濡涕操管銘於墓門銘曰

族之盛兮才之令兮纔知命兮俄大病兮葬者藏兮潁
之陽兮誌丘荒兮杳茫茫兮

溫縣主簿韓君墓誌銘

柳宗元

有唐故溫縣主簿諱慎字某漢弓高侯其先也徙集作

徙

於南陽傳世至今唐侍中璩

集作璩

克用貞亮奮於國難

侍中兄子郢州刺史諱某某先御史著作郎諱某某生

尚書庫部郎中萬州刺史諱某嗣以文行大其家業君

萬州長子也叔父任為建陵挽郎累調授王府叅軍相

州襄陽尉至於是邑貞元十六年又調於天官署河陽

丞未拜十有一日暴疾卒於長安永崇里先人之廬又

十有一日龜筮襲吉祔於咸陽洪瀆原先人之墓正

集作

禮也先三日外姻家老謀為之志季弟秦

集作秦

哀不能

文故託於友焉嗚呼生也以其弟之恭知君之為友沒也以其弟之戚知君之為愛惟友愛出於孝移於忠施於人事無往不達故予

集作余故

得受其辭以書於石

集作書於

石曰

友而愛愛而忠忠而孝宜之

十一字集止作友而愛而忠而孝之

貌稱其

行行稱其詞賤受

集作而

不壽為善是悼祔於祖考初筮

攸告季也之純真哀無垠終窶且貧控於仁人備物稱

家其儀式陳爰相其悲載刊

集作刻

茲珉

陸渾尉崔君墓誌銘

穆員

崔君名泳字君易清河東武城人皇朝刑部尚書贈太

傅忠公隱甫之孫河南少尹徵

唐世系表同
一作徵非

之子進士

擢第調同州叅軍陸渾尉生四十有三年以貞元四年
冬十月景子卒於洛陽毓德里之第丁酉從先尚書少
尹於此丘禮也崔族著明洎忠公德如其謚焯乎代之
聞見其所憑者厚矣惟先王之樂實祖考之世及君子
之所以為構為穫者加生知之力行之故其事親也以

無間言無違志無失色無過行其執喪也視禮經有加等而惡用吾情之歎異夫古焉其蒞官也才無不器事

至

一作主

以鋒致理者以備羣司陟明者以充首賦其會

友也以晏平仲久敬子路無宿諾植之為本而游夏之藝文嚮使錫厥永年被之貴仕俾自家刑國以及生人未始涯也嗚呼才長命短古有之矣君之所以墮諸公之淚使有餘恨者方兄弟燕言之次無分陰之疾如寐如息而不反焉夫人范陽盧氏令族美行宜一作而為君

之伉儷四子男曰某女孟仲季未笄未弁初河南府君
祥踰月夫人范陽縣君違養又祥踰月君繼天君長兄
河南府君司錄叅君漑不勝其哀乃至謂其身之存不
若君之沒而無知也當無窮之若疑作苦如有知也先人
在焉託我友生銘其塋埏詞曰

有生有死彭殤同致德義為宗崇高匪貴雲收於山曷
為時雨嗟我哲人脩邱之土

鄭州新鄭縣尉安定皇甫君墓誌銘

梁 肅

君諱某字某皇朝監察御史某之曾孫贈兵部侍郎某之孫唐州長史某之第三子尚書左丞侁之愛弟歷葉聚祉左丞又嗣以淳德義之門宜有仁人君生而冲茂聰悟孝敬弱冠以明經登科始長安丞又轉新鄭尉性恬曠不甚以祿仕為意避亂至江南以墳籍自娛謂論語二十篇有夫子微言故嘗翫其章句以導情性非至德要道未嘗經懷老氏不居其華孟軻言必仁義君子

集作之志也晚節多病享年七十七以興元元年正月三

日啓手足於嘉興縣私第夫人博陵崔氏生一子曰攸
號慕哀敬禮無違者左丞嗣子兵部郎中政實營護喪
事以前月三日權厝於某鄉原不克及葬難故也郎中
於予有鄉黨之舊泣書美行見命誌之銘曰

溫良恭儉德之柄兮居常待終天之命兮卜葬從權變
之正兮

桓州真定縣尉獨孤君墓誌銘

前人

君諱正河南洛陽人皇朝光祿大夫河

集作洛後亦云洛南之禰南

公諱義順之元孫故殿中侍御史潁川郡長史贈祕書

監府君

集無此二字

諱某之少子故常州刺史府君諱某之

愛弟春秋四十六大曆十一年某月日卒於晉陵郡明

年某月日歸葬於洛陽南先塋元兄水部員外郎兼侍

御史汜銜天倫之痛且懼陵谷之不可常也於是昭銘

景行誌其墓曰君之先出自劉氏漢世祖之裔有進伯

者北征以師敗績降匈奴因部易姓其後有永公羅辰
臨川王永業魏齊二代開國承家臨川生開府儀同三
司武安公子佳洛南之禰也歷代之崇業茂勲其餘祉

於是有祕書之遺直常州之厚

集作茂

德德美休裕叢滋

於君君溫恭

集作良

淑和孝友慈仁居處進退非禮不動

嘗謂學者義之府文者質之薄故娛心典墳簡棄詞藝
又謂干祿者躁之幾蔽密者靜之奧故反情樂道居易
脩業少時解褐授真定尉非其所好棄官不之晚節尚

黃老慕禪味素齋心懷夢幻生死端居一室澹如也逮

疾病

集無
病字

或勸之藥君

集作
石

曰命之不可奈何雖有藥

石將焉所施言未絕口嗒焉順化未婚無子知者痛之

嗚呼予嘗窺天人而考性命天壽之數福極之源蓋昏

默而不可究已以獨孤君蘊純粹之質蹈淵騫之行而

生不躋艾服慶不植後嗣彼造物者以三壽百福與

闕

先是君李氏之姊捐館其明年四月常州府君薨

反葬之日三喪俱引故親舊惋痛為善者相弔水部之

哀又其可既乎肅常辱常州之眷且與真定游文

集無
文宇

故備其實錄刊於貞石銘曰

顯允君子德心廣兮與道為徒以蒙養兮桑扈反真泊
然往兮刻石九原畢天壤兮

文苑英華卷九百六十